

## Fylgiskjal 2.

### REGLUGERÐ FRAMKVÆMDASTJÓRNARINNAR (EB) nr. 563/2002

frá 2. apríl 2002

#### um breytingu á reglugerð (EB) nr. 466/2001 um hámarksmagn tiltekinna mengunarefna í matvælum

FRAMKVÆMDASTJÓRN EVRÓPUBANDALAGANNA  
HEFUR,

með hliðsjón af stofnsáttmála Evrópubandalagsins,

með hliðsjón af reglugerð ráðsins (EBE) nr. 315/93 frá 8. febrúar 1993 um málsmeðferð fyrir bandalagið vegna mengunarefna í matvælum <sup>(1)</sup>, einkum 3. mgr. 2. gr.,

og að teknu tilliti til eftirfarandi:

- 1) Samkvæmt reglugerð (EBE) nr. 315/93 skal ákvarða hámarksviðmiðunargildi fyrir tiltekin mengunarefni í matvælum í því skyni að vernda almannaheilbrigði.
- 2) Reglugerð framkvæmdastjórnarinnar (EB) nr. 466/2001 <sup>(2)</sup>, eins og henni var síðast breytt með reglugerð (EB) nr. 472/2002 <sup>(3)</sup>, gildir frá 5. apríl 2002 og kemur í stað reglugerðar framkvæmdastjórnarinnar (EB) nr. 194/97 frá 31. janúar 1997 um hámarksmagn tiltekinna mengunarefna í matvælum <sup>(4)</sup>, eins og henni var einkum breytt með reglugerð (EB) nr. 864/1999 <sup>(5)</sup> um hámarksmagn nitrats í salati og spínati.
- 3) Aðildarríkin skulu tilkynna nefndinni um niðurstöður eftirlits þeirra og gefa skýrslu um ráðstafanir, sem hafa verið gerðar, og framfarir að því er varðar að beita reglum um góðar starfsvenjur í landbúnaði með tilliti til þess að lækka hámarksviðmiðunargildi nitrats. Framkvæmdastjórnin skal, á grundvelli þessara upplýsinga á þriggja ára fresti og í fyrsta skipti fyrir 1. janúar 2002, endurskoða hámarksviðmiðunargildi fyrir nítröt í salati og spínati með það í huga að lækka framangreind gildi.
- 4) Árleg eftirlitsgögn frá aðildarríkjunum sýna að hámarksviðmiðunargildi nitrata í salati hafa lækkað. Hægt er, á grundvelli góðra framleiðsluáferða, að gera ráð fyrir því að raunhæft sé að lækka neðri mörk hámarksviðmiðunargilda fyrir tiltekna salatflokka. Á sumum svæðum er oft tilkynnt um hærri hámarksviðmiðunargildi nitrats en þau sem tilgreind eru í viðauka reglugerðar (EB) nr. 466/2001 jafnvel þótt þróunin sé sú að hámarksviðmiðunargildi nitrats fari lækkandi. Ekkert bendir til þess að hámarksviðmiðunargildi nitrats fari lækkandi í spínati. Sum aðildarríki þurfa að viðhalda fastsettu aðlögunartímabili til að leyfa markaðssetningu salats og/eða

spínats á heimamarkaði sem er ræktað og ætlað til neyslu á yfirráðasvæði þeirra. Að því er varðar salat skal þetta aðlögunartímabil vera háð tímamörkum en að því er varðar spínat er ekki hægt að vita fyrir hver lokadagsetningin verður.

- 5) Breyta ber reglugerð (EB) nr. 466/2001 til samræmis við það.
- 6) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um ferli matvæla og dýraheilbrigði.

SAMBÝKKT REGLUGERÐ ÞESSA:

*1. gr.*

Reglugerð (EB) nr. 466/2001 er breytt sem hér segir:

1. Í stað 1. mgr. 3. gr. komi eftirfarandi:

„1. Aðildarríkjunum er heimilt, þegar ástæður leyfa, að heimila á tilteknu aðlögunartímabili markaðssetningu fersks salats og fersks spínats sem er ræktað og ætlað til neyslu á yfirráðasvæði þeirra og innihalda nítrat í rikara mæli en mælt er fyrir um í liðum 1.1, 1.3 og 1.4 í viðaukanum, að því tilskildu að góðar starfsvenjur í landbúnaði séu hafðar í heiðri í því skyni að ná í áföngum þeim mörkum sem mælt er fyrir um á vettvangi bandalagsins.

Aðlögunartímabilið:

- a) endar 1. janúar 2005 að því er varðar salat;
- b) skal endurskoðað eigi síðar en 1. janúar 2005 að því er varðar spínat.

Aðildarríkin skulu tilkynna hinum aðildarríkjunum og framkvæmdastjórninni á hverju ári hvaða aðgerða gripíð hefur verið til vegna framkvæmdar á ákvæðum fyrsta undirliðar.“

2. Ákvæðum I. viðauka er breytt í samræmi við viðaukann við þessa reglugerð.

*2. gr.*

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópubandalaganna*.

<sup>(1)</sup> Stjtið. EB L 37, 13.2.1993, bls. 1.

<sup>(2)</sup> Stjtið. EB L 77, 16.3.2001, bls. 1.

<sup>(3)</sup> Stjtið. EB L 75, 16.3.2002, bls. 18.

<sup>(4)</sup> Stjtið. EB L 31, 1.2.1997, bls. 48.

<sup>(5)</sup> Stjtið. EB L 108, 27.4.1999, bls. 16.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 2. apríl 2002.

Fyrir hönd framkvæmdastjórnarinnar,

David BYRNE

framkvæmdastjóri.

VIÐAUKI

Eftirfarandi komi í stað 1. þáttar í I. viðauka við reglugerð (EB) nr. 466/2001 varðandi nitröt:

Afurð	Hámarksviðmiðunargildi (mg NO <sub>3</sub> /kg)	Sýnatökuaðferð	Tilvisunargreiningar- aðferð
„1.1. Ferskt spínat <sup>(1)</sup> ( <i>Spinacia oleracea</i> )	Uppskeyra frá 1. nóvember til 31. mars: 3 000 Uppskeyra frá 1. apríl til 31. október: 2 500	Tilskipun framkvæmdastjórnarinnar 79/700/EBE <sup>(2)</sup>	
1.2. Varið skemmdum, djúpfryst eða fryst spínat	2 000	Tilskipun 79/700/EBE	
1.3. Ferskt salat ( <i>Lactuca sativa L.</i> ) (ræktað undir hlíf og undir berum himni), að undanskildu salati sem er skráð í lið 1.4.	Uppskeyra frá 1. október til 31. mars: — salat, ræktað undir hlíf 4 500 <sup>(3)</sup> — ræktað undir berum himni 4 000 <sup>(3)</sup> Uppskeyra frá 1. apríl til 30. september: — salat, ræktað undir hlíf 3 500 <sup>(3)</sup> — salat, ræktað undir berum himni 2 500 <sup>(3)</sup>	Tilskipun 79/700/EBE. Lágmarksfjöldi eininga á hvert rannsóknarsýni er 10	
1.4. Salat af jöklasalatsgerð <sup>(4)</sup>	Salat ræktað undir hlíf 2 500 <sup>(3)</sup> Salat ræktað undir berum himni 2 000 <sup>(3)</sup>	Tilskipun 79/700/EBE. Lágmarksfjöldi eininga á hvert rannsóknarsýni er 10	

<sup>(1)</sup> Hámarksviðmiðunargildi fyrir ferskt spínat gilda ekki um ferskt spínat sem setja skal í vinnslu og sem er flutt í lausri vigt beint af akri í vinnslustöð.

<sup>(2)</sup> Stjtið. EB L 207, 15.8.1979, bls. 26.

<sup>(3)</sup> Vanti viðeigandi merkingar sem segja til um framleiðsluaðferð skulu mörkin, sem sett hafa verið fyrir salat, ræktað undir berum himni, gilda.

<sup>(4)</sup> Lýst í reglugerð framkvæmdastjórnarinnar (EB) nr. 1543/2001 frá 27. júlí 2001 þar sem mælt er fyrir um markaðsstaðal varðandi salat og hrokkinnblaða- og stórblaða (Batavian) salatfífla (Stjtið. EB L 203, 28.7.2001, bls. 9).“